

CLERICVM  
OB P A C T I O N E M  
CVM PATRONO FACTAM  
SACERDOTIO SE ABDICANTEM

---

*P R A E S I D E*

CHRISTOPH· LVDOV· CRELLIO D

INSTITVT· IVSTINIANEARVM P· P· ORDINAR  
CVRIAE PROVINC ET SCABINATVS ASSESSORE  
ORDINIS IVRIDICI VITEMBERGENSIS  
H· T· DECANO

---

AD DIEM AVG. ANNO QVAM SALVS PARTA EST clc lcccXXXVIII

---

*I N A V D I T O R I O I C T O R V M*

DEFENDET

A V C T O R

VVOLDEMAR AVGVSTVS FISCHER


DRESENA MISN

I' V' ST

---

*V I T E M B E R G A E*

EX OFFICINA SCHEFFLERIANA



PERILLVSTRI  
ATQVE EXCELLENTISSIMO DOMINO

DOMINO  
CHRISTIANO  
GOTTLIEB

AB HOLTZENDORFF

DYNASTAE PAIRENSTEINII, LICHTENAVII  
SVPERIORIS ETC' ETC

SERENISSIMI  
AC POTENTISSIMI  
REGIS POLONIARVM  
PRINCIPIS ELECTORIS  
SAXONIAE

SVMMI SENATVS ECCLESIASTICI  
PRAESIDI EMINENTISSIMO  
REGII CVBICVLI COMITI  
SPLENDIDISSIMO

ET  
AERARIIPROVINCIALISQVAESTORI GRAVISSIMO

HEROI TOGATO INCOMPARABILI  
MAECENATI INDVLGENTISSIMO  
HAS PRIMITIAS ACADEMICAS  
CONSECRAT  
SEQVE ET MVSAS SVAS DEMISSISSIME COMMENDAT  
SVMMO EIVS NOMINI

DEVOTISSIMVS CLIENS  
VVOLDÈMAR AVGVSTVS FISCHER  
AVCTOR.



I

EVGA MVNERVM PVBLICORVM  
ODIVM ABDICATIONIS



LONGIVS opinione sua a uero absunt, qui non solum non reprehendendos, sed plane officio bonorum uirorum egregie perfunctos, ideoque laude dignissimos, esse arbitrantur illos, qui, ab omni hominum consortio remoti, in obscuro latere, quam quicquam cum aliis negotii habere, malunt.

Enimuero, cum societati humanae eam contigisse sortem uideamus, ut alter alterius ope indigeat, ac, nisi in praestandis accipiendisque officiis, quod quisque minus per se ipsum potest, id ipsi suppeditetur, uicissimque ipse reddat, VNIVERSORVM SALVS omnino non subsistere, aut certe minus commodè durare, possit; Manifestum est, communem utilitatem non deferi duntaxat, sed etiam prodi ab iis, qui uitam ita trahunt, ut sibi solis nati fuisse uideantur. At uero, ut quisque est rectiamentissimus, ita maxime perspicit, quod

PLINIVS a) ait, *esse hanc philosophiae et quidem pulcherrimam partem, AGERE NEGOTIVM PVBLICVM, cognoscere, iudicare, promere et exercere iustitiam, quaeque philosophi doceant, in usu habere*: ideoque a pernicioſa iſta hominum ignauiſſimum deſidia abhorret. Illi certe, qui IVRIS SCIENTIAM apud ROMANOS profeſſi ſunt, peſſime de iis iudicarunt, qui ſibi ſolis indulgerent, corpori tantum deſervirent, atque omnia, quae ſequerentur in vita, quaeque fugerent, uoluptatibus atque doloribus aeſtimarent, ac uel minimum moleſtiae et laboris, republicae cauſſa, ſubire deſtrectarent; tantumque abeſt, ut illorum inertiae concedendum eſſe putauerint, ut etiam propoſitis FOENIS illos in partem publicorum munerum uocarent. Equidem, cum non pauca ex iis, quae publico nomine ſuſcipienda erant, munera cum emolumento tum honoris tum rei familiaris coniunctae eſſent, qui ſeſe ingerebant ac plane obruderent, non facile omnino deſuerunt. At, qui ea capeſſerent, quae dignitatis et utilitatis nihil, uel parum, laboris uero plurimum, haberent, uix reperti ſunt; ut etiam non raro poteſtate magiſtratum opus eſſet, qua ad ſubeunda eiſmodi munera ciues deſidioſi compellerentur. In MUNICIPIIS certe tam odioſa uiſa ſunt tamque oneroſa eſſe munera, ut quod ex PLINIO b) apparet, iam, Traiano imperante, inuiti adeo traherentur municipales, ad munus publicum ſuſcipiendum; quorum pleroſque, CONSTANTINI aetate, ſolum uertere, quam muneribus publicis onerari, maluiſſe, ZOSIMVS c) obſeruat. VLPIANVS igitur in l. 9. D. de munerib. et honorib. obtinuiſſe ait, ut iisdem remediis, quibus tutores et curatores, ad ſuſcipiendum officium adigerentur. Si quis, inquit, *magiſtratus in municipio creatus, munere iniuncto fungi deſtrectet, per PRAESIDEM, munus agnoſcere cogendus eſt, remediis, quibus tutores quoque ſolent cogi ad munus, quod iniunctum eſt agnoſcendum.* Coge-

a) Plin. Lib. I. Ep. 10.

b) Plin. Lib. X. Epiſt. 114.

c) Zosimus L. II, p. 115.

Cogebantur igitur aliquando ciues, ut munera publica subirent. At enim uero, utut eorum tanta penuria non fuerit, qui munera honorifica, forte etiam profutura, appeterent; id tamen utrique generi commune fuit, ut, qui semel ad quodcunque accessisset, interdum, ductus poenitentia, consilium mutaret, et ad otium reuerti uellet. Sed placuit, ut ab eo, quod susceptum esset, pro lubitu abire quisquam sine dedecore non posset. CAMILLVM certe, quem inter belli Gallici calamitates Ardea reuocatum, ciues dictatorum fecerant, ABDICARE se dictatura senatus populusque passus non est, nisi anno circumactō, ut LIVIUS a) enarrat. Neque aliud, introducto in locum reipublicae principatu, placuisse, PRAESIDESQUE prouinciarum, ABDICANDO sese, NIHIL EGISSE, siquidem sine nullo principis, a quo prouincia decreta fuerat, id fecissent, in *l. 20. D. de offic. praesid.* affirmatur. Etenim PAPINIANVS, ex cuius *LIB. I. respons.* ista lex desumpta est, *legatus, inquit, Caesaris, id est, praeses uel corrector prouinciae, ABDICANDO se, non amittit imperium.* Nec errabit qui de Proconsulibus et quibuscunque prouinciarum rectoribus magistratibusque urbanis et municipalibus idem affirmandum esse putet. De defensoribus quidem ciuitatum omnino certum est, THEODOSIVM et VALENTINIANVM Imperatores in *l. 10. C. de defensoribus ciuit.* interdixisse, ne quisquam a munere sibi demandato MISSIONEM haberet, nisi, sacris codicillis, VENIAE a principe IMPETRATAE fidem praefecto praetorio faceret, adiecta etiam triginta librarum auri multa, a praefide prouinciae et quocunque magistratu exigenda, qui forte, non expectata principis auctoritate, quemquam dimisisset. De tutelae denique ac curae muneribus sancitum fuisse nouimus, ut ne quis, quod semel subiisset, incio magistratu deponeret: ac DIOCLETIANVM una cum MAXIMIANO in *l. 2. C. quando*

a) Liu. L. VI. c. 1.

*Tutor. uel Curat. esse defm.* praecepisse, ne tutoris uel curatoris officium ex sola pupilli uel minoris uoluntate finiatur. Enimuero, quam ob causam *in l. 10. D. de offic. procons.* licitum esse negat VLP IANVS, ante aduentum successoris ex prouincia abire, cum prouinciae utilitas exigat, esse aliquem per quem negotia sua explicent prouinciales; Eadem certe obtinet in reliquis, quocunque tandem nomine ueniant, MVNERIBVS, communis utilitatis causa introductis. Quae ne uel per minimum temporis spatium cessent, quam maxime interest ciuitatis, ad cuius salutem et tranquillitatem inprimis pertinet, ut semper adsint, qui omnia praeuideant, ad omnes casus uigilent, ea denique, quae peragenda sunt, mature expediant, et sine mora atque cum cura, administrent. Ut taceam, permagni referre, illos, qui rerum in ciuitate potuerunt, securos esse posse, quod maneant in officio, quibus reipublicae administrandae partem commiserunt, quorum industriam delegerunt ad ea, quae repente incidunt, diligenter procuranda, a quibus denique rerum gestarum exigere rationem possint

## II

ODIOSA INPRIMIS A MVNERE SACRO  
ABDICATIO

QVAE omnia cum inprimis conueniunt in SACRA MVNERA, ob curam animarum inter Christianos introducta, certisque personis, quae illa defungantur, demandata, tum etiam rationes peculiare inciderunt, quibus legum, ecclesiasticarum conditores adducti sunt, ut SACRI ORDINIS hominibus interdicerent omnino, ne locum in quo collocati sunt, sine CAUSSA GRAVISSIMA, nec incio SUPERIORE deferant, aut temere uacuum relinquunt. Enim uero, ipsa sacri illius negotii grauitas optimo cuius ac religio-



giouissimo sacerdoti facile persuader, ne quid committat, ex quo uel minimum detrimenti quisquam ex coetu sibi commisso pariat. Manifestum enim est, accidere posse quotidie, quae operam ministri ecclesiae requirunt. Sane cum diuino nutu ac consilio fieri credamus, ut docendi uerbi diuini atque ministrandorum Sacramentorum munus cuiquam committatur, et quilibet illorum, se rite et ex summi Numinis uoluntate uocatum esse, arbitretur; ferendum uix esse uisum est, ut quis pro lubitu sparam sibi demandam deponat, molestiaeque uitandae causa, aut impediementi, nescio cuius, imaginario obtentu, ad otium uitamque remissiorem reuertatur. Leue certe atque indignum probo uiro in omni uitae genere uidetur, officiorum praestandorum necessitatem, priuata commoditate aestimare, et suo uel studio, uel ignauia, metiri. In SACRIS autem MYNERIBVS nimia RECEDENDI facilitas eo magis est reprehendenda, quo plus inde incommodi et damni ipsa ecclesia capere uidetur. Enim uero, cui potest esse obscurum, quantum in eo momenti positum sit, ne alii subinde et alii constituantur sacerdotes aliis plerumque, in tanta capitis sensuumque uarietate, moribus instructi, nouam semper in docendo custodiendoque coetu rationem ineuntes. Illud uero exploratum est, eo facilius proficere doctorem, eoque certius auditores etiam dictis monitis obsequentiores reddi, quo arctior inter utrosque coniunctio animorum intercedit, quoue certius de pastoris in se uoluntate ac salutis aeternae promouendae studio persuasi sunt parochiani. At non uno alteroue die FIDUCIA ista comparari potest: tempore opus est et occasione ad probandam fidem ac beneuolentiam conciliandam, amoremque mutuum, quo nihil ad continendos in obsequio homines accommodatius remedium excogitari potest confirmandum. Sua sunt praeterea cuique coetui studia, sui mores, suae propriae cupiditates, quibus uel maxime ducuntur, et uel

uel in rectam uiam, uel errorem, facile trahuntur. Quos quidem recessus nisi quis inuestigauerit penitusque peripererit, atque consilia sua ad omnes opportunitates accommodauerit, vel paruum laboris sui fructum sentiet, uel frustra omnino in illo campo defudabit. Aut omnia me fallunt, aut ex his ipsis causis, inde ab antiquissimis temporibus, leuitas illorum improbata fuit, qui nullis vel exiguis difficultatibus permoti, STATIONEM sibi tributam RELIQUERVNT. Illi profecto, qui cum cura in officio uersati sunt, RESIGNATIONVM ET RENUNCIATIONIS, quam dicunt, iustitiam, neque ignauia, neque inerti otio, neque priuato arbitrio, metiendam esse existimarunt, ideoque omni modo in officio retineri ministros ecclesiae, semel huic rei adhibitos et inauguratos, uoluerunt. Inter cetera, quae in CANONIBVS APOSTOLICIS de disciplina ecclesiastica sparsim decreta continentur, *can. 35.* sancitum est, „*episcopos ordinatos, qui ministerium uel curam populi sibi commissam non susceperint, a communione tamdiu seiungendos esse, donec suscipiant, obedientiam accommodantes.*” Neque Presbyteris et Diaconis semel ordinatis integrum esse uoluerunt eiusdem canonis auctores, ut, quod impositum esset oneris, uel subirent, uel etiam pro arbitrio excuterent, et operam promissam ecclesiae praestare detrectarent. Colligi exinde potest, quod THOMASINVS *de disciplina ecclesiastica* a) obseruauit, tanto minus de loco semel occupato decedere potuisse sacerdotes et episcopos, quanto grauius in eos animaduertendum esse, patres ecclesiae putarunt, qui nuper oblatum munus temere repudiarent. Eandem sententiam fuisse CONCILII NICAENI patribus, ex CANONE XVI. huius concilii manifestum est, in quo a communione ecclesiae excludendos esse decreuerunt clericos, ecclesiarum suarum desertores. Etenim *omnem*, inquit, *necessitatem conuenit iis imponi,*

a) Thomass. de discipl. ecclesiast. L. II. c. 50. §. 3. p. 168.

*imponi, ut ad suas paroccias reuertantur: quod si non fecerint, oportet eos communionem priuari.* Sane, ut non temere subterfugienda est occasio, publicae causae consulendi, ita in sacris praecipue ministeriis strenue perseverandum esse uoluerunt uiri pietate insignes; ideoque CYRILLVS ALEXANDRINVS in Epistola quadam, apud Balsamonem, grauitè pronunciauit: Si sunt digni, qui sacra mysteria obeant, in his maneant; si autem indigni, ne per RENVNCIATIONEM exeant, sed potius CONDEMNATI. Hoc enim, et THOMASSINVS *lococitato* et PETRVS DE MARCA (a) obseruarunt

## III

EX IVSTA CAUSSA RENVNCIATIO ADMISSA  
IN VETERI ECCLESIA  
INFRIMIS OB SCANDALVM ET SPEM FRVCTVS  
INTERCEPTAM

NEQVE tamen tam duri ueteres fuerunt, ut ne interueniente quidem IVSTA CAUSSA aliquando uoluntati illorum, qui permanere in statione recusabant, cum res illud postulare uisa est, obtemperauerint, illosque liberauerint illo uinculo, quo obstricti tenebantur. Vt enim SALVS ECCLESIAE suprema lex esse debet apud optimum quemcunque; ita, promouendae eius causae, RENVNCIATIONES etiam, quas tamen alias satis difficulter admittebant, non omnino improbandas esse, censuerunt. Apud GREGORIUM certe NAZIANZENVM PACIS SERVANDAE studium plurimum ualuisse ad locum derelinquendum, cui quis sine detrimento ecclesiae suae praeesse non posset, suo ipsius exemplo declarauit. Etenim SOZOMENVS b) auctor est, illum ab

B

Impe-

a) Petrus de Marca de Coucord. sacerdot. et imper. L. VII. c. 8, §. 6. p. 820.

b) Sozomenus L. VII. histor. eccles.

Imperatore, et Clero Constantinopolitano, episcopisque quam plurimis, ad episcopatum imperialis sedis delectum, postulantis primo assensum suum accommodasse, mox tamen, quod alios sibi infestos et aduersarios esse cognouisset, abire, quam **DISSENSVM** et turbas in ecclesia facere, omnino maluisse; cum religioni sibi duceret, ecclesiam tempestati obicere, ab iis excitatam, qui sedare potius, forte fortuna ortam, debuissent. Nec alia de causa **GREGORIVM** istum a **SASIMORVM** episcopatu discessisse, compertum est, quam, cum per loci iniuriam, et **INCOLARVM** MALITIAM, duorum denique metropolitanorum de finibus prouinciae contentionem, non uideret, quid prodesse posset. Praedicat **AVGVSTINVS** a) et maximopere collaudat eorum consilium, qui propter publicum ecclesiae bonum episcopatibus cedere, quam contentionibus et litibus uiam facere atque locum dare mallent. Longe gloriosius, inquit, esse, episcopatus sarcinas, etiam propter ecclesiae uitanda pericula, deposuisse, quam, propter regenda gubernacula, suscepisse. Ideoque et **MAXIMIANVM** Africae episcopum, hac ipsa de causa **RENVNCIANTEM**, non per ignominiam cecidisse, sed gloriose cessisse, affirmavit b). Sane, cum expeditum sit, quod idem **AVGVSTINVS** alibi scribit, episcopos et sacerdotes, non priuati commodi, aut splendoris, uel dignitatis, gratia constitutos, sed propter eos, quibus praeceptis ac precibus praecire ac sacramentorum administratione adesse debent; non locus est dubitationi, melius agere, qui, cum finem propositum nulla ratione se consequi posse uideant, cedere potius, quam perseverare cum ecclesiae damno, uoluerunt. Ita **PER OBSTINATOS ANTIOCHENORVM** male in se animatorum **MORES** in episcopatu permanere noluit **MARTYRIVS**, eorum episcopus, sed teste **THEODORO LECTORE** c) officio sese **ABDICAVIT**, coetui autem publice de-

a) Augustin. Epist. 238.

b) August. Epist. 238.

c) Theodor. Lector L. I. p. 718.

declarauit, clero immorigero et populo rebelli et ecclesiae contaminatae sese renunciare, seruata tamen sibi sacerdotii dignitate. Certe etiam MELETIVM, episcopum cuiusdam in Armenia urbis, propter INOBEDIENTIAM subditorum, alio se contulisse et priuatam uitam in otio degisse, enarrat THEODORETUS (a). Illud uero prae ceteris placuisse priscis ecclesiae patribus intelligimus, ut, quotiescunque per imbecillitatem humanam LAPSVS forte esset episcopus, ac propter PECCATVM, quo ecclesiam offenderet, sese ex uoto consulere posse commodis suorum desperaret, licite ABIRET. Ipse, quem antea, laudauit, AVGVSTINVS (b) quod obseruauit THOMASSINVS c) grauiter sacerdotes admonuit; qui ecclesiae suae SINE SCANDALO praeesse nequeunt, atque ad DEPONENDVM officium ipsos inuitauit. „*Neque enim*, scribit Hipponensis episcopus, *episcopi propter nos sumus, sed propter eos, quibus uerbum et sacramentum dominicum ministramus, ac per hoc, ut eorum sine scandalo gubernandorum sese necessitas tulerit, ita uel esse, uel non esse, debemus, quod non propter nos, sed propter alios, sumus. Denique non nulli sancta humilitate praediti uiri, propter quaedam offendicula, quibus pie religioseque mouebantur, episcopatus officium non modo sine culpa, uerum etiam cum laude, posuerunt!*“ Ipse certe, cum Antonium quendam, alumnum suum, meliore consilio quam euentu, Fussalensi ecclesiae episcopum commendasset, tam aegre tulit hoc suum factum, ut oscitantiae, cuius ipse se reum faciebat, coercendae causa, episcopatum ABDICARE uoluerit d) Idque Coelestino Pontifici Romano explicauit hoc in primis argumento: *Cogitamus, quod ait apostolus, si nosmetipsos iudicaremus, a Domino non iudicaremur: iudicabo me ipsum, ut parcat mihi, qui iudicaturus est uiuos et mortuos.* Eadem SCAN-

a) Theodoret, L. II. c. 3. histor. eccles.

b) Augustin. I. II. c. II contra Crescon.

c) Thomass. de disciplin. eccles. P. II, L. 2. c. 31. § 2.

d) Augustin. Epist. 261.

DALI uitandi caussa fuit MAXIMIANO, BAGAIENSI episcopo, ut suo se munere ABDICARET. Iste enim, quod cum Donatistis aliquando fecerat, POPULO MINVS PLACEBAT, licet a perversa istorum hereticorum sententia iamdudum recessisset. Maximianus igitur, cum errorem, quem olim errauerat, ecclesiam adeo offendisse cerneret, ut etiam nunc pessime de se plerique sentirent, SPONTE ABIIT a munere, rationibusque consilii expositis, patribus Mileuitanis factum probauit. Atque hanc ipsam ABDICANDI episcopatus causam etiam subsecutus seculis plurimum ualuisse, exemplis POTAMII Bracarensis episcopi et EBBONIS RHEMENSIS comprobatur. Ille enim cum libidini intemperantius indulgisset, eoque nomine grauioris animaduersionis se reum fecisset, SPONTE ABIIT, et sententiam Concilii Toletani X. paullo post in se latam, praeuertit. Hic autem a Ludouico Pio imperatore accusatus, crimenque confessus, a Synodo remedium poenitentiae petiit, ut a functione episcopali, qua se indignum agnouit, recedere liceret, quod PETRVS DE MARCA a) annotauit. Atque, si recte iudico, inualuit omnino et obtinuit, ut quotiescunque clericus deponendus esse uideretur ab officio, SE IPSVM potius ABDICARET reus, grauitate criminis commotus, Synodus uero sententiam damnationis ab ipso pronunciatam, cui reus iam obtemperauerat, confirmaret. Ita ut sentiam, facit formula ista, qua Arnulphus Rhemenfis Archiepiscopus perduellionis reus, in cedendo archiepiscopatu usus, et quae a PETRO DE MARCA b) ex ueteris aevi monumentis descripta est. Quam quia ad institutum cumprimis pertinet, adiiciendam esse puto. His enim uerbis concepta est: „Ego Arnulphus quondam „Rhemorum archiepiscopus, recognoscens fragilitatem „meam et pondera peccatorum meorum, testes confessores meos

a) Petr. de Marca L. VII. c. 25.

b) Petr. de Marca loc. cit. §. 9. p. 1096.

meos . . . constitui mihi iudices delictorum meorum, et puram ipsis confessionem dedi, quaerens remedium poenitendi, et salutem animae meae, ut RECEDEREM AB OFFICIO et ministerio pontificali, quo me recognosco esse indignum, et alienum me reddens, pro reatibus meis, in quibus peccasse me ipsis secreto confessus sum, et de quibus publice arguebar, eo scilicet modo, ut sint illi testes alii succedendi et consecrandi in loco meo, qui digne praeesse et prodesse possit ecclesiae, cui hactenus indignus praefui. Et ut inde ultra nullam repetitionem, aut interpellationem, auctoritate canonica facere ualeam, manu propria me subscribens firmaui.

### III

#### ALIAE RENUNCIATIONVM CAUSSAE. FACTVM NON ERAT CAUSSA IDONEA RENUNCIATIONIS

**H**AE quidem renunciationum causae usu ueteris ecclesiae inprimis comprobatae sunt, quae a nobis primo loco commemorandae uidebantur, quia prae ceteris pertinent ad institutum. Sed inueniuntur plures patrum auctoritate exemplisque confirmatae. Inprimis SENECTVTI tanto iustiore vacationem tribuendam esse existimauerunt, quanto magis imbecillitas senum NATURAE potius, quam CULPAE hominum, debetur. Haud igitur difficulter VENIAM ABEVNDI impetrauit BVRCCARDVS, episcopus Wurzburgensis, cum ingrauescentis aetatis obtentu successorem postulare, quod ex SVRIO supra commemorauimus. Neque GAVFREDO Syluanectensi episcopo, per aetatem et morbum corporis, laboribus impari, ac minus idoneo ad munus pro dignitate administrandum, MISSIONEM denegandam

dam esse, arbitratus est pontifex: cuius rei RIGORDVS de gestis Philippi Augusti ad annum 1215 a) testis est. Nimirum et GRAVITATI MORBI id concedendum esse duxerunt, ut renunciatio, isto titulo munita, admitteretur. Inter causas itaque, ob quas a Sasimorum episcopatu abiisse GREGORIUM NAZIANZENVM supra memorauimus, non minima fuit, PERICVLVM, quod VALETVDINI eius ob inclementiam coeli et omnium rerum inopiam, impendere uidebatur. Sic et SYLVANVM, Philippopolitum in Thracia episcopum, ab Attico, Constantinopolitano Patriarcha, constitutum, SOCRATES b) refert, successore postulato, et impetrato, episcopatum reliquisse, quod per CORPORIS IMBEGILLITATEM frigus ferre non posset. Ex eadem denique causa ARIMINENSI episcopo assensus est GREGORIUS pontifex c) ut alius in illius locum deligeretur, cum per CAPITIS DOLORES impediri uisus esset, quo minus sacerdotio praesse posset. Sed non aequè probatum fuit illorum consilium, qui se, MAIORIS PERFECTIONIS et singularis PIETATIS causa, abire sacerdotio dixerunt. Neque enim exemplum IOANNIS SILENTIARIJ, ab episcopatu AD VITAM MONASTICAM fugientis, tanti uisum est, quod tuto sequeretur alij, utut diuinitus ad illud consilium capiendum excitatus esse crederetur, si uerum est, quod in uita eius apud SVRIVM narratur. Quin potius illos, qui solitudinem et orium muneri demandato praeferrent, et INCONSULTO SUPERIORE in monasterium abirent, sanctitatis simulatione, grauius coercendos esse statuerunt patres SYNODI CAESAREO AVGVSTANAE can. 6. *Si quis de clericis propter luxum uanitatemque praesumptam de officio sponte discesserit, ac, uelut obseruatorem legis, monachum se uideri maluerit, quam*

a) apud Pithoeum p. 213.

b) Socrat. Histor. eccles. L. VII. c. 37.

c) Gregor. L. IX. ep. 141.



quam clericum, ita de ecclesia repellendum, decreuerunt, ut, nisi rogando atque obsecrando, pluribus temporibus satisfeceris, non recipiatur. Certe remediis canonicis ad officium reductos huius generis transfugas uel FVLGENTII, Abbaris cuiusdam in Africa, exemplo constar, quem ad abbatiam reuocatum esse episcopali auctoritate, ex FERRANDO adducit THOMASSINVS a) Illud uero inusitatum, et decretis etiam conciliorum prohibitum fuit, ut quis in FAVOREM alterius, nulla alia, eaque graui, causa motus, a sacro munere abiret. Etsi enim in dubium uocari nequit, quod auctorum omni exceptione maiorum fide constar, uel religiosissimis praesulibus in more positum fuisse, ut MORIBVNDI, uel certe difficiliore morbo afflicti, SVCCESORES NOMINARENT, quos maxime dignos et ecclesiae utiles futuros existimarent; non tamen, hac sola nominatione facta uel depositum fuit munus, uel in alium translatum, quin potius, ius succedendi ab electione cleri et assensu populi pependisse, b) per quinque priora secula et ultra, THOMASSINVS demonstrauit. Praeterea etiam illud certum est, in APPELLANDIS SVCCESORIBVS id egisse optimos uiros, ut ne alius post mortem ipsorum eligeretur, nisi quem recte de doctrina sentire perspexissent. Ceterum, ne quid uel AMICITIAE, uel COGNATIONI, datum esse uideretur, tam prouide interdictum fuit, ut etiam, indulgentibus aliquando metropolitanis, uel episcopis prouincialibus, alii contradixerint, cauentes, NE EPISCOPALIS HONOR HEREDITARIVS VIDERETVR: Hoc enim ex HILARII episcopi Romani *epistola* 2. intelligitur. Quibus quidem ita comparatis, nemo facile erit, qui sibi persuadeat, uel FACTIS, uel plane PRETIO, locum fuisse, quo quis ad RENVTIANDVM excitaretur. Sane, ut turpe uisum fuisset,

a) Thomass. loc. cit. p. 173.

b) Thomass. l. c. c. 55. §. 9. 614.

fuiſſet, ſi quis de **ABDICANDO** ſacro munere pactus eſſet, ita **SIMONIAE** crimen uix effugiſſet, qui uel **DATA PECVNIA** aliquem ad renuntiandum prouocaſſet, uel **ACCEPTA**, prouinciam ſibi demandatam deſeruiſſet, Namque et in eos conuenit, quod *canone apoſt.* 28. dicitur: *Si quis episcopos* **AVT PRESBYTER** aut **diaconus**, **PECVNIAE** **INTERVENTV**, *hanc dignitatem naſtus fuerit, deponitor tam ipſe, quam qui eum ordinauit, et omnino a communione abſcinditor, quemadmodum Simon magus a Petro.* Denique, ut **PACTA** a renuntiatione abeſſe uoluerunt, ita **VIX** in illa minime tolerandam putauerunt. Ideoque **PROIECTVM** episcopum, cui propter diuturnum morbum inuito ſucceſſorem dederat **HILARIVS ARELATENSIS** archiepiſcopus, reſtituendum eſſe, *epiſtola 89.* pronuntiauit **LEO** Pontifex **ROMANVS**. Atque hac ipſa de cauſſa aliquando dubitatum fuit, cum quaeſtio incidiſſet, utrum **NICOLAVS MYſALON**, Amyclenus metropolitānus, a magiſtratu ad renuntiandum adactus, efficaciter renunciaſſet, an uero cognitio de criminibus ipſi obiectis prius inſtituenda eſſet. Placuiſſe tamen, cognitionem fieri, *ne ſacris altaribus et coeleſti uictimae admoueretur miniſter, qui poſtea indignus et contaminatus comprobare poſſet*, ex **BALſAMONE** refert **Thomaſſinus** a)

## V

**LEGES SOLENNIS RENVNCIATIONIS**  
**IN PRIORI ECCLESIA**  
**AVCTORITAS SUPERIORIS DESIDERATA**

**E**x his igitur cauſſis aliquando admiſſum eſt, ut quis munere ſe ſuo abdicaret. Super-eſt, ut de **MODO**, et **LEGIBUS**, quibus obſequi debuit, qui ſacro officio renuntiaret, uideamus. Sed, in ueteri quidem eccleſia ex eorum, qui

a) Thomaff. loc. cit. c. 58. §. 12. p. 197.

qui sacra munera abdicarunt, exemplis constat, operam dedisse plerosque, ne forte ex nulla, uel non satis idonea, uel ea causa, quae probo uira omnino indigna esset, sacerdotii onera fugere et auersari uiderentur; ideoque RATIONES CONSILII uel METROPOLITANIS, uel totis episcoporum CONCILIIS, exposuerunt. SYNODVS certe PAMPHILIENSIS examinauit renunciationem EVSTATII, metropolitani sui, et tandem admisit, ut ex epistola Synodi Ephesinae ad Pamphiliensem Petrus de Marca obseruauit. a) Idem THOMASSINVS secundum seriem temporum ostendit, et inualuisse, ait, progressu temporis, ut et REGVM IMPERATORVMQUE assensus peteretur ab episcopis, qui ab illo munere abirent. Et recte quidem, meo iudicio, cum docente VLPIANO l. l. §. 2. D. de Iustit. et Iur. ius PUBLICVM etiam in SACRIS et SACERDOTIBVS uerfetur, et non parum reipublicae interfit, sacra cum dignitare, et a VIRIS IDONEIS, administrari. LICINIUM quidem, ANDEGAVENSEM episcopum, mirum in modum a REGE et EPISCOPIS efflagitasse, ut sibi successorem darent, in uita eius apud SVRIVM commemoratur. SVLPITIVM uero, BITVRICENSEM archiepiscopum, REMACLVM, TRAIECTENSEM episcopum, BONITVM, Aruernum, BURCHARDVM, VVurtzburgensem, eandem in deponendo episcopatus munere rationem secutos esse, ex uiriseorum, apud SVRIVM et BOLLANDVM in *actis Sanctorum*, intelligitur. Illud certe apparet, nondum iis temporibus obtinuisse, ut auctoritas ROMANI EPISCOPI interueniret, quotiescunque ab episcopatu recederet cuiquam uisum esset. Imo nec exempla eorum defunt, qui CONSCIENCIA cuiusdam CRIMINIS, et pudore male administrati muneris, ne requisito quidem, uel CONCILIORVM, uel METROPOLITANORVM, uel REGVM consensu,

C

ab-

a) Petr. de Marca de Concordia sacerdotii et imperii p. 820.

abierunt. Etenim MAVRITIVS, ANDEGAVENSIS civitatis episcopus, seuerus in se ipsum ac rigidus iudex, suam solius sententiam secutus, episcopatum DEPOSUIT, quod sua negligentia puer, sacramento confirmationis nondum initiatus, obiisset, quod ex SVRIO indicauit THOMASSINVS a) c) Atque in eo quidem facto adiutus uidetur auctoritate CHRYSOSTOMI b) qui, *oportere pato*, inquit, *tanta cum religione et cautione ad episcopatum accedere, ut illius molem et magnitudinem detrectes, deinde adepto honore aliorum iudicia sententiasque non expectare, si quod forte commissum deprehendatur, propter quod oporteat te honorem illum deponere; quin potius anteuertens te ipsum munere abdicēs. Sic enim par est, ut diuinam concilies impetresque misericordiam, qui si honorem illum praeter decorum tanquam mordicus retinere studueris, indignus es, qui ueniam consequaris, tum uero diuinam iram magis ac magis incendes, altero peccato et eo grauiore a te addito. Neque tamen haec ideo afferuntur, quod neminem omnino episcoporum adiisse ROMANVM PONTIFICEM asseueremus, cui episcopatu abire constitutum fuisset. Namque et ipsum AVGVSTINVM consilium ABDICATIONIS exposuisse Coelestino, pontifici Romano, supra commemorauimus. Et idem fecisse RVSTICVM Narbonensem, CORBINIANVM Frisingensem, aliosque quam plurimos, optimorum auctorum fide constat. Enim uero et illud certum est, et a THOMASSINO et PETRO DE MARCA demonstratum, nullam renunciantibus huius rei necessitatem impositam, sed nudum potius pontificis Romani consilium expetitum fuisse ab iis, qui cauendum esse sibi duxerunt, ne suo arbitrio et per inertiam a statione recessisse uiderentur: ceterum id impetrari ab iis potuisse aliorum etiam praesulum ac metropolitano-  
rum, uel*

a) Thomassin. Part. II, L. 2. c. 52. p. 173.

b) Chrysostomus de Sacerdotio L. 3. c. 10.

uel concilii cuiusdam interposita auctoritate. Et quid disputatione opus est, cum uel ex PELAGII III. *pontificis* Romani, confessione satis intelligatur, nondum eius aetate inualuisse opinionem, quod ad SEDIS ROMANAE cognitionem et iudicium renunciationes episcoporum pertinerent. Is enim BENIGNO archiepiscopo cuidam, quaerenti, num metropolitani auctoritate translatio episcopi fieri posset, ingenue respondit : *quia, sicut potestatem habes episcopos et sacerdotes regulariter titulare et ordinare, ita, ut praedictum est, causa necessitatis et utilitatis habes et MUTARE, ac de titulo ad titulum TRANSLATARE, licet de minore ad maiorem urbem mutandus sit.* Sed recte a TRANSLATIONE, quae et ipsa RENVNCIATIONEM continet, ad SIMPLICEM RENVNCIATIONEM duci posse argumentum, arbitramur

## VI

TANDEM AVCTORITAS SEDIS ROMANAE  
NECESSARIA FUIT RENVNCIANTIBVS

**I**NTERIM, quae iam dudum animos hominum inceserat, religio et ueneratio SEDIS ROMANAE effecit, ut primum metropolitanorum plerorumque renunciationes ad PONTIFICEM ROMANVM deferrentur. Tum idem de EPISCOPATIBVS placuit, ut aegre ferrent pontifices, si forte, se inconsultis, quisquam ab ecclesia abiisset. Denique, quod SPONTE olim et libere factum fuerat, in NECESSITATEM abiit. Inde igitur certis legibus circumscriptas esse uidemus RENVNCIATIONES, causasque expressas, quae solae legitimae haberi possent, et ob quas admissurus esset ABDICATIONES pontifex, competens huius rei iudex, si de abdicatione ageretur. Atque ut eo aequius et scripturae sacrae conuenientius esse uideretur auctoritatis pontificiae illud incrementum, exco-

gitatae sunt rationes omnino speciosae, ob quas ad SEDIS ROMANAE cognitionem pertractae essent istae de renunciationibus cognitiones. Enim uero commenti sunt intercedere quoddam VINCVLVM inter EPISCOPVM presbyterumque et ECCLESIAM, CONIVGIO SIMILE, quod MATRIMONIUM SPIRITVALE appellatum fuit. Nimirum placuit, quod SPONSVS ecclesiae SERVATOR noster nominetur. Quae igitur superiorum temporum fuit audacia, ac in conditione laicorum infra sacerdotum sortem deprimenda temeritas, induxit clericos, ut totius ecclesiae contemplatione pontifici vindicarent locum CHRISTI, ceteri se MARITOS ecclesiarum particularium esse gloriarentur, idque sine rubore, cum magna Seruatoris iniuria, subinde affirmarent. Quod posteaquam semel probatum fuit, non abs re visum est, ea, quae de uero matrimonio tum in litteris sacris dicta sunt, tum legibus aequae ac iuribus ecclesiasticis definita, ad SPIRITVALE illud MATRIMONIUM trahere, et, quantum fieri posset, ad rationes eius accommodare. Vt reliqua praetermittam, quae, ex sententia iuris pontificii et interpretum, CARNALI ET SPIRITUALI matrimonio sunt communia, solum illud VINCVLVM arctissimum et paene INSOLVIBILE ueri matrimonii occurrit, quod quidem, ut in uulgo notum est, non nisi ex paucissimis causis, accedente etiam iudicis ecclesiastici auctoritate, dissolui potest. Ad huius igitur arctissimi nexus exemplum INNOCENTIVS III. pontifex Romanus uoluit, ut, quod inter episcopum uel presbyterum et ecclesiam esset uinculi, non, nisi ROMANI PRAESVLIS auctoritate, CAUSSA COGNITA, diuelleretur. Certe de VERO MATRIMONIO Seruator noster apud MATHAEVM cap. XIX, commate 6, pronuntiat, NON SEPARANDVM esse ab homine, quod ab ipso DEO coniunctum fuit, ideoque adulterium committi ab iis, qui sine grauissima causa diortium faciant ab uxore. Inde uero in cap. 2. X. de translat. *episcop.* INNOCENTIVS III. colligit, MATRIMONIUM

SPIRITVALE episcopi et ecclesiae tanto difficilius dissolui, quanto maioris momenti spiritualia prae corporalibus esse intelligantur. tantoque certius esse, suo solius iudicio reservasse DEVM illas episcoporum voluntarias renunciaciones; ut dubitari non possit, illas ad pontificis Romanii cognitionem, quem Vicarium Christi indubium esse perhibet, deferri. *Cum ergo fortius sit, inquit, SPIRITVALE CONIUGIVM, quam carnale, dubitari non debet, quin omnipotens DEVS SPIRITVALE CONIUGIVM, quod est inter episcopum et ecclesiam, suo tantum iudicio reservauerit dissoluendum, qui dissolutionem etiam carnalis coniugii, quod est inter virum et foeminam, suo tantum iudicio reservavit, praecipiens, ut quod DEVS coniunxit, homo ne separet. Non enim humana, sed potius divina, potestate coniugium spirituale dissolvitur, cum per translationem, depositionem, aut cessionem, auctoritate Romani pontificis, quem constat esse vicarium Iesu Christi, episcopus ab ecclesia remouetur, et ideo tria haec, quae praemisimus, non tam constitutione canonica, quam divina, soli sunt Romano pontifici reservata.* Enim vero quis non videt, complura esse in hac pontificis constitutione, quae accuratius et seuerius pensitata locum suum rueri non possint? Vnde enim fidem faciet, uel mediocriter incredulo, MATRIMONIUM, quod sacerdotes inter et ecclesiam esse fingit. SPONSVM ecclesiae suae uocari SERVATOREM, ne nos quidem in dubium uocamus, et supra ingenue agnouimus, scripturae sacrae certissima auctoritate. At, unde probabitur, in societatem istius coniunctionis, inter Christum et ecclesiam contractae, receptos esse clericos, quos MINISTROS SPONSAE et CVSTODES esse uoluit Servator? Viderint igitur illi, qui tam audacter sibi vindicant alienam SPONSAM, ne malam sibi notam inuulerint, dum ipsam Christi sponsam non intactam reliquerunt. Sed fac, adesse etiam eiusmodi matrimonium, arctius quoque, quam ipsum carnale coniugium, contractum: cur uero in eo relaxando plus sibi sumit

pontifex, quam in uero matrimonio ausus est unquam? cur et RENVNCIATIONES SIMPLICES et translationes episcoporum tam facile admittit, cum diuortium uix ex una alteraue causa probetur, mutatio uero uxoris aut optio nouae coniugis in locum prioris omnino temere non permittatur: quem denique, cui sanum sinciput contigit, permouerit, ut ipsi IURI DIVINO credat reservati illius, quod fingit, origines deberi. Hoc enim si uerum est, cur non idem obseruatum est in ecclesia, seculis a Christo nato proximis? Cur in iura uicarii istius DEI grassati sunt metropolitani et patres conciliorum, quos tamen de ecclesiastica disciplina rectissime iudicasse, uel pontificii negare non audent. Nemo certe est, qui non uideat, excogitata esse haec, quae in cap. 2. X. *de Translat. episcop.* afferuntur, argumenta: ut, quod, inuitis ecclesiae prisco moribus, ad pontificiam maiestatem augmentum accesserit, colorem haberet, quo oculi et mentes hominum a ueri cognitione in errorem ducerentur

## VII

RENVNCIATIONES PRESBYTERORVM,  
ET CLERICORVM QUI SVNT IN ORDINIBVS MINORIBVS,  
ODIVM FACTORVM

SATIS, credo, dictum est de renuntiatione clericorum, qui in ALTIORI ORDINE, quem dicunt, constituti sunt. Superest, ut de PRESBYTERORVM cessione uideamus. Neque enim opus est, ut multis demonstramus, constituta paulatim disciplina ecclesiastica, presbyteros subfuisse episcopis, quemadmodum episcopi quandam metropolitanorum in se potestatem agnouerunt. Vt igitur supra ostendimus, metropolitano conciliis, episcopos metropolitanis et primatibus suis, exposuisse renuntiationum causas; ita nec PRESBY-

TERIS



TERIS, nec illis, qui, cum sacerdotes non essent, tamen in sacris esse dicebantur, aut minorum ordinum clericis, integrum fuit, a munere recedere, sine graui causa, illi exposita, cuius subessent dioecesi atque potestati. Voluerunt enim concilii NICAEN. patres, c. 16. quod ex c. 23. *causs. 7. quaest. 7. intelligitur, ut, qui recesserint ab ecclesia sua, siue presbyter, siue diaconus, uel in quocunque ordine ecclesiastico positi fuerint, non recipiantur in alia ecclesia, sed cum omni necessitate cogantur, ut recedant ad ecclesiam suam, et, si permanserint, excommunicentur.* At pertinuisse illam reuocandi potestatem ad episcopos c. 3. concilii ANTIOCHENI declaratur. Censuerunt enim huius concilii patres, deponendum esse clericum, qui a sua ecclesia in aliam transmigrauit, ibique sedem elegit, licet AB EPISCOPO suo *ad reuertendum fuerit exhortatus.* Vt enim inferioris ordinis clerici, et alii, non, nisi concessione suorum episcoporum, ad alias ecclesias transmigrarent, etiam concilii CARTHAGINENSIS IV. can. 27. constitutum fuit. Qua re apparet, quod inde argumentum ducit Thomassinus a) nec cedere loco licuisse clericis, in quo collocati fuissent, propterea quod libere alias abire potuissent, si nulli amplius additi ecclesiae fuissent. Atque in ea sententia perstitisse illos, qui subsecutis temporibus disciplinae ecclesiasticae curam habuerunt, ex *capitulari Caroli M apud BALVZIVM* b) intelligitur, ui cuius, *presbyteri, qui sine iussione proprii episcopi de ecclesiis ad alias ecclesias migrauerint, tam diu a communione haberi debent alieni, quam diu ad easdem non redierint ecclesias, in quibus primitus sunt instituti.* Neque locus est dubitationi, easdem in ABDICANDO presbyterorum munere, quae in episcoporum renunciatione, causas, ualuisse. Illis certe, qui uel corporis IMBECILLITATE uel CRIMINIS cuiusdam a se per-

a) Thomassinus P. II. L. 1. c. 19.

b) Capit. Caroli M, L. VI. c. 85. apud Balazium T. I. p. 936.

perpetrati mole et conscientia grauari, abire a munere cuperent, assensum ab episcopis impertitum fuisse, ut, poenitentiae agenda causa, in monasterium quoddam se conferrent, ex illo HINCMARII apparet a) qui, *si quisquam, inquit, presbyter parochiae nostrae aut INFIRMITATE corporis, aut latente animae PECCATO, senserit, se non posse proficere plebi commissae, uel non debere praeesse, et uoluerit monasterii portum, ad agendam poenitentiam, secundum decreta B. Leonis, expetere, professionis suae libello ab ordine et titulo atque regimine plebis, secundum Gregorii decreta, se exuat, ut in monasterium intret.* At non ita faciles fuerunt in cessionibus, quae IN CUIVSQVAM FAVOREM fierent, probandis, quin et aegerrime tulerunt, si quid tale per fraudem et artes presbyterorum admissum fuisset. Hinc teste FLODOARDO b) Hincmarus maximopere indignatus est presbytero, cui permiserat, *ut libello suae professionis a regimine plebis sibi commissae redderet se alienum, et alium in suo loco expeteret ordinandum: quia colludium, quod habebat factum, sibi celauerat, uidelicet ut alumnus eius, sine consensu senioris sui, in loco ipsius ordinaretur.* Ita certe placuisse et supra docuimus, ut PACTIONES a renuntiationibus, quas uix ac ne uix quidem uel ex graui causa admittebant, penitus abessent, cum illas non posse non SIMONICAS uideri intelligeretur. At quanto in odio hoc crimen fuerit tam est notum, quam quod notissimum habetur, a nobis etiam supra indicatum, cum de renuntiatione episcoporum tractaremus.

Ceterum utut a prisca ecclesiae disciplina in eo recesserit pontifex, quod episcoporum renuntiationes ad suam solius cognitionem pertraxit, spiritualis matrimonii colore; de episcoporum tamen potestate, saltem in hac parte, nihil quicquam derogauit. Quin potius ab ALEXANDRO III. ad

a) Hincmarus T. II. p. 638.

b) Flodoard. Hist. Rhem. L. III. c. 8.

ad Tornacensem episcopum, *c. 4. X. de renunciat.* rescriptum legimus, ut canonicam ultionem in eos, qui ecclesias suas, inconsulto EPISCOPO, dimitterent, exerceret. Quod quidem cur admiserit Pontifex, mirari non iniuria quis possit, si uerum est, quod perhibetur, spirituale coniugium a nemine nisi a DEO, eiusque uicario, esse dissoluendum. Forte tamen exceptione specialis mandati a se dari Pontifex Romanus defendi posset. Certe illos Clericos, qui non sunt sacerdotes, sed in sacris tantum, aut neque in sacris, sed in MINORIBVS ORDINIBVS, non tam arcto uinculo cum ecclesia coniungi, ipsi Pontificii agnoscunt

## VIII

## CHARACTER INDELEBILIS

SED de his non sumus solliciti: cum propositum nobis non sit, inpraesentiarum rationes, quibus summam in ecclesiam potestatem Pontificii fulciendam esse existimarunt, inuestigare. Imo uero iam quidem animus est, RENUNCIATIONEM clericorum ex iure, ab episcopis Romanis constituto, aestimare. Qua de causa notari uelim, me renunciationum nomine, dum in pontificii iuris causa uersor, iam non intelligere illam status clericalis mutationem, qua quis personam laici induit, ordinemque deserit omnino, sed ABDICATIONEM, qua quis munus et beneficium ecclesiasticum, salva dignitate ordinis et sacerdotii, dimittit. Verum, cum semel in hanc causam incidimus, non abs re esse uidetur, ut commemorem, inualuisse iam dudum opinionem, quod is sit ORDINATIONIS effectus, ut, manuum impositione facta, non tantum singularibus spiritus sancti donis exornetur ordinatus, sed et in eminentiore, cum gratiae diuinae, tum dignitatis, gradu collocetur, et a secundo illo hominum genere, laicorum uidelicet, prorsus separetur, breuibvs, ut ipsi DEO cedat, tanquam possessio quaedam et hereditas, unde et CLERICORVM nomen ortum esse scimus,

D

Hos

Hos igitur, qui semel in hunc ordinem lecti receptique atque consecrati sunt, quadam nota a laicis distingui perhibuerunt, quae omnino non, aut certe difficulter, eximi possit, eamque CHARACTERIS INDELEBILIS nomine insigniuerunt. Equidem, si ad usum ecclesiae superiorum seculorum attendimus, RESIGNATIONES clericorum iam tum arctissimis limitibus circumscriptas fuisse, obseruamus. Enimuero, in concilii CHALCEDONENSIS can. 7. decretum legimus, ut ne clerici statum suum mutare audeant. *Qui semel in clero deputati sunt, aut monachorum uitam elegerunt, statuimus, inquit, neque ad militiam, neque ad dignitatem aliquam uenire mundaui, aut hoc tentantes, et non agentes poenitentiam, ita ut redeant ad hoc, quod propter DEVM primitus elegerunt, anathemizari.* Neque auctoritas deest singulorum patrum, qui acriter inuecti sunt in clericos DESERTORES, suffragantes DEO, quod semel datum est, et sacrilegorum more profanantes, quod olim sacrum fuit. Sed tantum abest, ut characteris indelebilis, per ordinationem impressi, uestigia in scriptis eorum reperiantur, ut etiam illorum temporum disciplina edoceamur, ad communionem laicorum reductos esse clericos grauius peccantes, quod ex c. 10. dist. 50. c. 13. D. 55, c. 5. D. 84. c. 118. C. 1. q. 1. c. 1. C. 1. q. 7, manifestum est. At in laicorum sortem detrufos esse, et gradu in perpetuum excidisse, qui communionem laicam accipere iussi essent, ALBASPINAEVVS a) *de ueter. eccles. ritibus* demonstrauit. Quando autem ad Iustiniani aeuum respicimus, id quidem poenae clericis immorigeris iniunctum esse uidemus, ut AMISSA CLERICALI DIGNITATE ad laicorum infimi generis conditionem detruderentur. Et IUSTINIANVS quidem: b) generaliter sancimus, inquit, nulli licere, in quolibet ECCLESIASTICO GRADU constituto DISCEDERE ab eo, et secularem fieri, scientibus, tale aliquid facientibus, quia et appposito sibi cingulo aut dignitate aut militia nudabuntur, et

a) Albaspinaeus de Vet. Eccles. rit. L. I. obseru. 4. §. 5. b) Nou. 123. c. 37.

et curiali fortunae propriae ciuitatis tradentur. Enim uero aliud posterioribus seculis omnino placuisse, illamque de CHARACTERE INDELEBILI doctrinam sensim introductam esse, non est difficile ad demonstrandum. LEONIS saltem PHILOSOPHI, Imperatoris, aequo publice receptum fuit, ut INVITI ad uitam clericalem RETRAHERENTVR potius, quam, in poenae modum, dignitate exuerentur. Cum enim in Nou. 6. c. 5. a Iustiniانو fuisset constitutum, *ut, si aliquis presbyter, aut diaconus, aut subdiaconus, postea duceret uxorem, aut concubinam, aut palam, aut occulte, sacro statim caderet ordine, et deinceps idiota fieret;* LEO contra in Nou. 79. istam Iustiniani legem irritam pronunciauit, praecepitque, ne quis eam ob causam clericali habitu, alioque ecclesiae ministerio, cuius usus illicitus non est, iudicio priuetur, hac in principio constitutionis adiecta ratione: quia, *quae semel DEO dedicata sunt, ea deinceps auferri non oportere, sancitum est, idque non solum in donariis, uerum multo etiam MAGIS IN HOMINIBVS, QUI PER SACRVM ORDINEM DIVINAE MAIESTATI CONSECRATI SVNT, obseruandum est.* Neque aliud in partibus occidentis circa ea tempora obtinuisse, uel *ex c. 8. dist. 81.* quod ex concilii Moguntinensis, uel, ut PITHOEVS mauult, Cabillonensis, decretis desumptum est, apparet. Vt ne enim clerici, gradu moti, secularem uitam uiuerent, sed potius poenitentiam in monasterio agerent, his uerbis decretum fuit: *dictum est nobis, presbyteros propter suam negligentiam canonice degradatos et seculariter, gradu amisso, uiuere, et poenitentiae agendaee bonum negligere. Vnde statuimus, aut gradu amisso, agendaee poenitentiae gratia, in monasterium, aut in canoniam regularem, mittantur.* Si uero hoc fieri causa quaelibet prohibueris, ubicunque sint, poenitentiam agere non desistant. Si autem amisso gradu seculariter uiuere uelint, et poenitentiam agere neglexerint, ab ecclesiae communionem separentur. Haec causa fuit, cur Carolomanni, filii Caroli Calui, ausum ferendum

esse non duxerunt ecclesiae Gallicanae episcopi, cum diacognatus munere exauكتورatus, laicorum more uiuere et regnum appetere instituisset. Quod AIMOINVS a) tradit. Hic enim Carolomannum in falsa fuisse opinione scribit, *quod liberius ad nomen et potentatum regium conscendere posset, quia ordinem ecclesiasticum non haberet : et, quia episcoporum iudicio ecclesiasticum gradum amiserit, etiam tonsuram ecclesiasticam licentius amittere posset.* Atque inde lucem accipit, quod in ANNAL. METENS. ad an. 870. dicitur: *Carolomannum per APOSTASIAM recedentem ab ecclesiastica religione, et abiicientem gratiam, quae data erat ei per manus impositionem, alterum Iulianum effectum esse.* Ex his igitur, quae dicta sunt, apparet illud, quod a nobis maxime demonstrandum erat, ideo inualuisse illam de CHARACTERE INDELEBILI opinionem, ut ne a SACERDOTIBVS quidem DEPOSITIS nota ista, animae inpressa, amitti uideretur, atque in APOSTATARVM numero omnino haberentur, qui, uel ob CRIMEN exauكتورati, laicum uitae genus elegissent. Quod, cum semel placuisset, subsequutis seculis et synodorum decretis et pontificum edictis rescriptisque confirmatum fuit. Sane in CONCILIO ROTOMAGENSI anno 1074. celebrato can. 12. praeceptum fuit, *ne hi, qui culpis urgentibus ab ordine suo depositi, quasi ab omni clericatu liberi, militans seculo, more laicali.* Atque in eandem sententiam et ALEXANDER III. et Innocentius III. c. 1. etc. 3. X. de apostat. generaliter rescripserunt. Et concilium TRIDENTINVM, propter hunc ipsum CHARACTEREM, qui nec deleri, nec auferri potest, Sess. 23. de sacramento ordinis, c. 4. illorum damnauit sententiam, *qui asserunt, noui testamenti sacerdotes temporariam tantummodo potestatem habere, et semel rite ordinatos iterum laicos effici posse, si uerbi DEI ministerium*

NON

a) Aimoinus Hist. Franc. L. 3. c. 29.

*non exercent.* Enim uero ne inter PONTIFICIOS quidem defuerunt, qui, quam debili fundamento iste suorum CHARACTER nitatur, uel prodiderunt, uel plane professi sunt. Quanta enim sit dissensio inter ipsos iuris pontificii interpretes in describenda CHARACTERIS, per sacramentum illud ordinis impressi, natura, *ad tit. X. de sacram. non iterand. in iur. eccles. protest.* docuit III BOEHMERVS, BERNHARDVS uero ESPENIVS, Theologus et ICrus Louanienfis a) inde a quatuor seculis, a theologis scholasticis quaesitum fuisse meminit, quis sit CHARACTER ille, qui in sacramentis inprimi dicatur. MORINI etiam testimonio perhibet, plures ingenue falsos esse, nihil apud patres, aut in antiquis canonibus, de hoc CHARACTERE solidi occurrere, sed ad auctoritatem ecclesiae, quae istum characterem agnoscat, esse recurrendum. Quis igitur miretur, et Theologos et ICrus PROTESTANTES iam dudum ab ista sententia recessisse, et repudiasse, quicquid in contrariam partem de nota illa, animae sacerdotum inpressa, allatum fuit, quamvis anathematis fulmine in eos vibrato, qui aliter sentirent. Etenim CHEMNITIVS, ubi in istum locum concilii Tridentini incidit, in quo anathema dicitur omnibus, qui negant, CHARACTEREM INPRIMI in anima, id est SIGNVM quoddam SPIRITUALE ET INDELEBILE, iam uero, b) scribit, Tridentini simpliciter anathema dicunt omnibus, qui non ut articulum fidei probant et amplectuntur illud scholasticorum recens es incertum COMMENTVM DE CHARACTERE. Neque minus grauitur sententiam istam refutauit ZIEGLERVS in *Comment. ad Lancellottum.* c) Ibi enim, posteaquam uarietatem sententiarum, qua de natura characteris indelebilis in-

D 3

ter

a) Bern. Espenius P. II. Iur. Eccles. Vniu. T. I. §. 12.

b) Chemnitius in exam. concil. Trid. p. 227.

c) Ziegl. ad Lancellott. L. II. tit. 2. de sacramentis §. 4. p. 612.

ter se inuicem pontificii disputarunt, latius demonstrauit, tandem ita concludit: *Sed referant, quo uelint: nos inter fragmenta habemus.* Certe et huc illa pertinent, quae B. THOMASIVS de desertione ordinis disputauit. Cum igitur ex dictis appareat, eam non esse NOSTRORVM sententiam, ut a reliquo hominum genere, ipso iure diuino, et INDISSOLVIBILI NEXV, separaretur minister ecclesiae; etiam ipso iure infirmatur, quod in iure pontificio sub excommunicationis poena prohibitum esse nouimus, ne quispiam sacerdos etiam POST RENVCIATIONEM et exauëctorationem, uitae laicae rationem inire, et a moribus clericorum, quos antea secutus est, discedere audeat. Certe enim, ut quisque est optimus, utque maxime de republica mereri studet, ita honestissimus et ciuitati utilissimus socius est habendus. Ideoque et usu obtinet in IVDICIIS ECCLESIASTICIS PROTESTANTIVM, ut neque RENVCIANTIBVS neque REMOTIS, certa uitae conditio iniungatur, sed illorum arbitrio relinquatur, quam suo ingenio accommodatam et rei familiari utilissimam esse, arbitrentur. Vnum est, quod timeri possit, ne dum ad laicos, aut ad sordidum genus uitae redeunt, qui in sanctiore ordine constituti erant, ipsa sacerdotum dignitas aliquando apud imbecilliores per illos suspecta fiat. Solent enim fere plerique imbecilles ex illorum conditione, cum quibus familiariter uersantur, totum illum ORDINEM, ex quo illi descendunt, aestimare. Ideoque maior est sacerdotii etiam e longinquo reuerentia, et cautiùs, pieque agunt, qui, postquam a sacro ordine discesserunt, a sordido uitae genere abstinent, et auctoritatem illorum, quos olim FRATRES habuerunt, etiam post secessionem ab illis factam, honestate et moribus integris tuentur. Sed haec quidem fere suaderi possunt, ut extorqueri uix possunt, et cuiusque pudori relinquuntur



## VIII

CAVSSAE ABDICATIONIS, QVAE IN, NOSTRA ECCLESIA  
ADMITTUNTUR.

INPRIMIS CONSCIENTIA CRIMINIS, SCANDALVM,  
VXORIS, LIBERORVM, FAMILIAE  
DEDECORA

**N**EQVE tamen adeo remissa est ecclesiae nostrae disciplina,  
ut pro arbitrio, aut ex NVLLA, uel etiam LEVI CAVSSA,  
INCONSVLTO etiam SUPERIORE, a munere demandato cui-  
quam ministrorum ecclesiae abire liceat, et temere deferere  
sacerdotium susceptum. Quamquam enim nec APOSTA-  
TAS esse credimus, qui ordinem sacrum deponunt, nec MA-  
TRIMONIUM SPIRITVALE inter sacerdotem et ecclesiam  
contrahi putamus; sunt tamen ALIAE CAVSSAE, ob quas  
et Theologi, et ICI nostrates RENVNCIANDI licentiam, quod  
ad munera ecclesiastica attinet, subinde prohibitam esse, asse-  
uerant. Ita enim ut sentiant, MVNERVM PVBLICORVM in  
ciuitate subeundorum, cuiuscunque tandem generis sint, NA-  
TVRA ipsos adduxit, a quibus quidem priuato ausu non re-  
cedendum esse, supra est a nobis comprobatum: Dissuadet  
istam in abeundo LEVITATEM OFFICII sacri GRAVITAS,  
et ipsa SACRI ORACVLI auctoritas, quae negotium a DEO  
nobis commendatum, aut curam uindemiae nobis impositam,  
deferri, et lupis illam prodi, aut aratrum in medio labore de-  
stitui, aut sementem factam, quae culturam desideret, negligi,  
et spem fructus suffocari, non permittit: quod a diuinæ sa-  
pientiae doctoribus diligenter fuit comprobatum. Obest in-  
primis SALVS ECCLESIAE, quae optimo cuique religionem  
perseuerandi imperat. Obstant incommoda nec pauca, uel  
exigua, quae ad coetum, pastore subinde destitutum, perue-  
nire

nire solent. Quae omnia quidem nostrates ita commou-  
runt, ut **ABDICANDI** potestatem non, nisi ob **GRAVES**  
**CAVSSAS**, cuiquam esse arbitrentur. Atque, quod ad **CAVSSAS**  
quidem attinet, in eo fere sequimur ipsa iuris pontificii  
praecepta, et, quantum per doctrinam nostram fieri potest,  
uix alias admittimus, praeter illas, quae in *c. 9. et 10. X. de re-  
nunc.* traduntur. Etenim in *c. 9.* non impediendum esse cleri-  
cum, dicitur, quo minus a statione recedat, in qua quidem **SINE**  
**VITAE PERICULO** perseverare nequeat. Sed eam pontifi-  
cis mentem esse **WAGNERECK. add. c. 9.** monet, ut abitus sit  
licitus, si nihil utilitatis ecclesiae proveniret, etsi uel, maxime  
mortem sacerdos fortiter subiret. Praeter eam renunciandi  
causam *c. 10.* probatur illorum consilium, qui **DEBILITATE**  
**CORPORIS**, et ea quidem, laborant, ob quam quis officio sa-  
tisfacere omnino non posse uideatur. Ut uero haec excu-  
sandi causa, etiam ex ipsius pontificis sententia, omnino **VO-**  
**LUNTARIA** uidetur, nec quisquam cogitur, ut inuitus re-  
nunciet per *c. 5. X. de cler. aegrot. et debil.* ita etiam usu ecclesia-  
rum protestantium obtinere, ut aegro substitutus adiungatur,  
**Carpzovius** testatur. a) Certe non facile in sacro illo officio  
**INVITOS** retinemus, qui de imbecillitate corporis queruntur,  
aut **SACERDOTIO**, cui praefecti sunt, se praeesse posse ne-  
gant. Generaliter enim hoc nos iure uti **NATURA** praecipit,  
ut, quae ab **OCCULTIS** cuiusque **VIRIBUS** proficisci, et **VIR-**  
**TUTE MENTIS** administrari debent, officia, cuiusque pudori  
atque uoluntati relinquamus; cum ipse tantum secum habita-  
re et vires metiri atque aestimare possit, an sufficiant ad onus  
impositum cum dignitate et fructu perferendum. Inprimis  
autem ad renunciandi ueniam impetrandam ualere uoluit  
pontifex **CONSCIENTIAM CRIMINIS**, **MALITIAM PLEBIS**,  
et **GRAVE SCANDALUM**, quo spes fructus intercipiatur.  
**SCIENTIAE** autem **DEFECTVS**, quem etiam admittit, uix  
apud nos allegari potest, si, quod **ICti** nostrates praecipiant,  
nemo

a) Carpz. Iurispr. Eccles. I. 1. tit. 10. dist. 192. § 11.

nemo, nisi EXAMINE PRAEVIQ, quo scientiam arbitris probauit, ad ineundum sacerdotium omnino admittitur. Neque IRREGULARITATI, quam pontifex appellat, facile locum dant nostrates, de matrimonio clericorum aliter prorsus sentientes. Ea uero, quae EX CUMVLATIONE MVNERVM ecclesiasticorum proficiscitur, per disciplinam nostrarum ecclesiarum occurrere uix potest. At, quae de CONSCIENCIA CRIMINIS et de SCANDALO afferuntur, plurimum momenti habere ad renunciandum oportere, non immerito est admittendum. In eo enim et PRIMA ECCLESIA nobis praeiuit, et ipse finis, ob quem quidem ministri ecclesiae ad curam coetus Christiani uocari solent, admonet, ut ne FACINOROSOS homines in illo ordine admittamus, aut plane retineamus, qui non doctrina tantum, sed et uitae probitate, uiam salutis indicare, et ambulantes in recto tramite exemplo suo retinere debent. Sane, quo plures in exemplum eorum, tanquam in speculum quoddam, inspiciunt, et inde sibi et suae uitae, quod imitentur, capiunt, atque, quod turpe et impium, homine denique Christiano indignum sit, aestimant; eo grauius peccant, qui mala uita, uel plane sceleribus contaminata, imbecilliores ad malitiae imitationem seducunt, et produnt ecclesiam, quam custodire debuissent. Nemo igitur erit, qui huius generis hominum cuiquam uehementer repugnandum esse censeat, si quem forte uirae antea actae pigeat, ut abire, quam diutius cum dedecore praeesse sacrae familiae, malit. Neque tamen est, cur quisquam nos tam rigidos et seueros esse putet iudices, in clericos peccantes, qui per imbecillitatem illam, omnibus mortalibus communem, lapsi, aliquid humani passi sunt, ut, abdicandum ab illis esse munus, continuo existimemus. Sunt certe illi homines, a quibus nihil humani alienum esse putamus, et sententiae INNOCENTI III accedimus lubentes, qui c. 10. X. de renunc. si omnes, inquit, quos arguit CONSCIENCIA cuiusquam CULPAE, cederent, pauci uel nulli in illo ministerio remansuri essent. At, quae in oculos

E

omnium

omnium incidunt, FLAGITIA, quae nec a laicis impune committuntur, eorum licentiam nec faciendam clericis esse arbitramur: ob ista denique RENVNCIATIONEM a clericis factam non modo non improbandam, sed plane promouendam et laudandam esse, iudicamus. Vtut enim crimini magis conueniat DEPOSITIO, quam cessio, quod supra obseruatum est; *non tamen ea PROBROSA DEPOSITIO est, sed spontanea et DECORA CESSIO, ut THOMASSINVS a)* ait, *si quis DELICTI sibi CONSCIVS, canonicum iudicium sincera poenitentia occupat, seque ipsum suo exauclorat iudicio.* Conueniunt, quae diximus, institutis ecclesiae primae, ut supra intelleximus. Sed non minus piis ueterum Christianorum moribus respondent, quae de RENVNCIATIONE, OB SCANDALVM datum, a pontifice sunt decreta. Sane, dum episcoporum mores instruit apostolus 1. Tim. III. et quibus uirtutibus exornatus esse debeat, describit, illum non modo SCELERIS PVRVM, sed et VITAE INTEGRVM, esse iubet. *Oportet, inquit, episcopum irreprehensibilem esse, unius uxoris maritum, uigilantem, sobrium, modestum, hospitalem, aptum ad docendum, non uinolentum, non percussorem, non turpiter lucri cupidum, sed aequum, alienum a pugnis, alienum ab auaritia, qui suae domui bene praesit, qui LIBEROS HABEAT IN SVBIECTIONE, CVM REVERENTIA. Quod si quis PROPRIAE DOMUI PRAEESSE NON NOUIT, quomodo ecclesiam DEI curabit? Non noxium, ne inflatus in condemnationem incidat calumniatoris. Oportet autem illum habere testimonium ab extraneis, ne in laqueum incidat calumniatoris.* Quam igitur in seruanda disciplina ueteres curam adhibuerunt, ea effecit, ut non facinorosos modo de tribu remouendos esse censuerint, sed et VITIIS INQVINATOS et NEGLIGENTES officii, ab ecclesia abesse uoluerint. Certe, et seculo IX. ita obtinuisse,

ex

a) Thomassin. P. II. L. II. c. 52.

*ex can. 40. CONCILII CABILLONENSIS II.* unde decretum est *c. 8. D. 81.* intelligitur, ubi presbyteri ob negligentiam depositi fit mentio. Neque enim in sola episcopi persona subsistit D. PAVLLVS, sed et de familia praecipit, ne, qui in suis gubernandis minus diligens intelligatur, coetui uniuerso custodiendo impar uideatur. Sane, quod SAMVELE teste L. I. Sam. c. 2. ELI illi, primario Iudaeorum SACERDOTI, summo magistratus honore conspicuo, a summo Numine uitio datum, et interitu familiae luendum fuit, hoc in nostris sacerdotibus a reprehensione abesse nequit, ad quorum PROPINQVOS non pauci oculos conuertunt, et ad quorum exemplum mores suos facile componunt. Non igitur ferendum est SCANDALVM datum ab ipso sacerdote EBRIOSO, RIXOSO, munus suum PERFVNCTORIE administrante, laborem humilem et sacerdote indignum suscipiente, illotis postea manibus sacra, quae caste adire debebat, temere tractante. Neque ab OFFENSIONE, IMBECILLIORVM saltem, immunis erit, cui uel parum cum VXORE et LIBERIS conuenit, uel etiam, qui indulgentior est in FAMILIAE CARCINOMATA, temulenta, concita semper ad pugnas atque rixas. Tali igitur, si secum tandem habitare incipiat, et uel sponte, uel monitus, cogiter, quantopere haec omnia obstant emendationi coetus Christiani, sibi commissi, satis ego caussae ad renunciandum esse existimo. Sic enim munere abdicato, gregi negligentius adhuc habito consulit, et, quod INNOCENTIVS ait, salutem aeternam temporali honori praefert. Si enim, quod supra docuimus, in ueteri ecclesia obtinuit, ut uel MALITIAE PLEBIS, pastorem non ferentis, sed capitali odio ab eo dissidentis, concedendum esse crederetur; quidni et hodie VENIAM RENVNCIANDI demus illis, qui animos auditorum sua culpa a se alienarunt, aut SVORVM DEDECORE alienatos esse, intelligunt

## X

APVD SUPERIOREM EXPONENDA EST  
RENUNCIATIONIS CAUSSA

**E**x his igitur fere CAUSSIS renunciationes admittuntur. Superest, ut de iis uideamus, quibus illae exponendae sunt, QUORVMQVE AVCTORITATE uel ADMITTI QUEANT, uel omnino reprobari. Illud uero iam supra attigimus, EPISCOPORVM renunciationes uariis artibus ad SEDIS ROMANAE cognitionem pertractas esse. De abdicatione autem PRESBYTERORVM, aliorumque clericorum - *ex c. 4. X. de renunc.* monitum fuit, obtinere etiam nunc, ut, CONSCIO et consentiente EPISCOPO, abire a munere sacro possint. Huic enim permissum est, ut suae dioeceseos clericis ueniam relinquendae spartae dare queat, nisi forte sint ii, qui a iurisdictione eius EXEMPTI, uel pontifici immediate, uel alii praelato, subiecti sunt, ut episcopi potestate non contineantur. Hoc quidem, *argumento c. 3. X. de instit. et c. 1. X. de capell. monach.* SCHMALZGRUBERVS a) comprobauit. Illud uero, quod de episcopo diximus, SEDE VACANTE etiam CAPITVLO licitum esse, aiunt interpretes, idque in *c. 14. X. de maior. et obed.* se inuenisse arbitrantur, quos CORVINVS b) allegauit. Imo uero etiam alios praelatos, episcopis inferiores, sed IURISDICTIONE tamen ECCLESIASTICA instructos, de renunciatione clericorum, sibi subiectorum, cognoscere, eamque admittere posse, tum *ex c. 3. X. de instit.* rum auctoritate rerum ita iudicatarum et ICROrum assensu, tuentur et CORVINVS et SCHMALZGRUBERVS. Sed haec quidem sine omni exceptione accipienda

non

a) Schmalzgruber. Iur. Eccles. P. II. tit. 9.

b) Coruin. de person. et benef. Eccles. L. 1. tit. 13.

non sunt. Dantur enim, et in promptu sunt, quaedam species, in quibus nec ab INFERIORIS, aut MINORVM ORDINVM, clericis impetrari potest MISSIO, quamvis episcopo, uel alio quocunque, quem nominauimus, iudice ecclesiastico consentiente. Eas certe, quae FACTO ADIECTO, aut sub quadam CONDITIONE, uel IN FAVOREM cuiusquam, fiunt, non, nisi PONTIFICE consentiente, efficaces esse, plerique affirmant, et usu rerum iudicatarum comprobant. In his enim renunciationibus, quae IN CVIVSQVAM FAVOREM fiunt, periculum esse credunt, ne quid cognationi, aut amicitiae detur, ac beneficia ecclesiastica, iure successionis hereditariae, transferri uideantur, eamque ob causam illas ex patrum conciliorumque decretis interdictas esse, supra est a nobis indicatum. At, cum potestas DISPENSANDI contra ius commune, et a lege soluendi, solius esse pontificis credatur; in promptu ratio est, ob quam renunciationes, IN FAVOREM cuiusquam factas, ad illum deferendas esse, ICTi censuerunt. Praeterea *ex c. un. de rer. permut. in 6to et Clement. un. eod.* notum est, beneficium aliquod de nouo conferri non posse, nisi prius uacet. At beneficium IN FAVOREM alicuius resignatum, auctore BARBOSA a) uacare nequit, nisi personae nominatae conferatur. Inde igitur SCHMALZGRUBERVS, argumento satis artificioso, colligit, renunciationem IN FAVOREM factam a nemine, nisi a PONTIFICE, quem supra ius commune esse aiunt, admitti posse. Qui autem, RESERVATA ANNUA PENSIONE, cedunt beneficia, eos pontificia auctoritate opus habere, ideo perhibent, quod *c. 8 X. de praebend.* constitutum est, ut ne diuidantur beneficia, aut cum diminutione quadam conferantur. Illas denique RENUNCIATIONES, quae quicquam alterius CVIVSCVNQVE PACTIONIS continent, ad pontificem deferendas esse, placuit, ut;

E 3

quod

a) Barbof. l. citat. Eccl. Vnia. L. III, c. 13, n. 71,

quod auctor Glossae ad *c. 4. X. de pact.* ait, SIMONIA, quae omnibus FACTIS, de re spirituali initis, inesse uiderur, ex plenitudine pontificiae potestatis quodammodo purgetur. Hoc uero extra dubium est constitutum, illas clericorum renuntiationes, quae PONTIFICI reseruatae non sunt, ad episcopos et alios ORDINARIOS IUDICES, ui IURISDICTIONIS ECCLESIASTICAE, qua gaudent, pertinere. Etenim ea est communis interpretum sententia, a SUPERIORE examinandas esse abdicationis causas, ab eoque licentiam abeundi impetrandam esse, qui habet *iurisdictionem*, et ius DEPENDENDI, aut etiam CONFIRMANDI clericum, in sacro munere suscepto. Hoc enim non solum auctoritate Glossae ad *clement. un. de renunc.* et FLAMINII aliorumque ICTORUM assensu CORVINVS l. c. ait, sed LANCELOTTVS etiam a) abscisse, in praebendis, inquit, et ceteris MINORIBVS BENEFICIIS apud eum fieri debet RENUNCIATIO, ad quem pertinere dignoscitur CONFIRMATIO. Vnde etiam LAICO RESIGNATIONEM fieri non posse, INNOCENTIVS III. *c. 8. de renunc.* affirmavit: cum ille nequeat clericum in officio suo confirmare. Intelligitur exinde, cur nullas PATRONI, in cognitione de renuntiatione instituenda, partes esse uoluerint legum ecclesiasticarum conditores, cum ex pontificii iuris doctrina exploratum sit, non omnem patronum esse etiam iudicem, laicos autem, causarum ecclesiasticarum contemplatione, IURIS DICENDI POTESTATE omnino expertes esse, nec sibi quicquam facultatis fumere in iis posse, licet summae sint in administranda republica auctoritatis. Negat itaque FLAMINIVS b) Imperatoribus et Regibus beneficia a clericis resignari posse, cum generale sit, quod INNOCENTIVS *c. 8. X. de renunc.* ait, RENUNCIATIONEM, IN MANVM LAICI FACTAM, NULLAM OBTINERE FIRMITATEM. Sane, utur excidat clericus beneficio, quod laico renunciauit, ex uerbis tamen pontificis apparet, era

GON.

a) Lancelott. Instit. l. I. tit. 13.

b) Flamin. de Resignat. l. VII. quaest. 9. n. 14.



GONZALEZ TELLEZ *ad c. 4. X. de renunc.* ostensum est, beneficium non VI RENUNCIATIONIS, sed IN POENAM, uacare, propter crimen, quod, renunciatione illegitime facta, sit commissum. Sane, in eo et PROTESTANTIVM ICI cum pontificiis consentiunt, quod PATRONI consensum sufficere omnino negent, ut abdicatio ualida et efficax omnino uideatur, quod CARPZOVIVS<sup>a)</sup> testatur. At, tantum abest, ut crimini uertant pastori, si, quod humanitas et decori ratio iubet, non, nisi CONSCIO PATRONO, sibi abundum esse censet, ut etiam suadeant, et factum laudent. Illud uero etiam apud nostrates quadam iuris necessitate requiri solet, ut CAUSSA IVSTA a renunciante exponatur, et ab eo, QVI IN CAUSSIS ECCLESIASTICIS IVS DICIT, antea probetur

## XI

RENUNCIATIO VI EXTORTA  
FACTA SIMONIACA

**E**NIM VERO, ne vitiosa sit abdicatio, requiri solet, praeter ea, quae hactenus tractata sunt, ut ne quid interueniat, quod uel ad VIM spectare, vel SIMONIACI CRIMINIS speciem habere, uideatur. Quin, si in CIVILIBVS CAUSSIS ita obtinet, ut, quod CICERO *pro Caecin. c. 17.* inquit, iuri nihil magis inimicum esse, existimeretur, quam VIS, nec aequitati quicquam tam infestum, quam homines conuocati et armati; Certe aequo animo ferri nequit, ut SACERDOTES, ex CAUSSA non satis idonea, ad relinquendum beneficium, VI ET AVCTORITATE cuiusquam, inuiti compellantur. Vt igitur, quae PER METVM gesta sunt, rescinduntur, atque ut restituendus est, qui per vim aliunde est deiectus; ita etiam pontifex uoluit, ut quod PER METVM extortum esset beneficium, spoliato ante omnia restituatur. Cum igitur plebanus quidam, AD TERROREM laicorum

a) Carpz, *furisp. Eccles. def. 125. n. 14.*

laicorum, electioni rite factae renunciasset, *c. 3. X. de his quae ui metusque causa* CLEMENS III rescripsit, renunciatio- nem factam ad TERROREM laicorum, nisi forte iuramento uel fide interposita sit confirmata, non impedire, quo minus is, qui renunciavit ecclesiae, ad cuius regimen prius erat electus, illi legitime praeficiatur. Quod uero tunc demum praefici ecclesiae posse arbitratus est sacerdotem, si renunciatio iure iurando non est confirmata, in eo dissentire uidetur ab INNOCENTIO III qui *c. 4. eod.* Clericum quendam, grauif- simo METU compulsu a Rege Angliae ad EIVRANDVM RESIGNANDVMque beneficium, restitui iussit, non obstante iuramento. Enim uero, si recte considerantur uerba, presbyter iurauerat, se renunciaturum esse, eoque sacra- mento steterat: sed pontifex rescripsit, non eo pertinere uim iuris iurandi, ut ne repetere renunciatum posset. Multo autem uehementius obstat *c. 2. X. eod.* in quo sacerdotem quendam, ut EIVRARET beneficium, ui coactum, restituere iussit ALEXANDER III ratione addita, quod in irritum re- uocanda sint per uim metumque gesta. Quam litem ut desi- niat GONZALEZ TELLEZ *ad c. 4. eod.* monet, renunciatio- nem metu graui factam, et iuramento firmatam, non ualere, ideoque beneficium, ita abiuratum, repeti posse, petita RELAXATIONE iurisiurandi, uires tamen habere, si relaxatio non petatur. In eamque sententiam etiam Gail. L. III. obs. 44. conce- dit. Quando autem propter vim metumque infirma dici- tur renunciatio, intelligenda est VIS ATROX, et ea, quae aduersus bonos mores sit, quod VLPIANO *l. 3. §. 1. D. quod met. caus.* placuit. Non igitur improbatur illa, quam magi- stratus recte infert, scilicet iure licito et iure honoris, quem sustinet. Quod si igitur IVDEx ECCLESIASTICVS eum sacerdotem, qui ex legis rigore DEPONI, non sine aliqua existimationis laesione, poterat, etiam METU POENAE in iure propositae, ad abdicandum permouit; non habebit re- nuncians, cur regressum ad beneficium, per renunciationem amissum,

amissum sibi patere, ex causa metus illati, puter. Ita saltem pronunciandum uidetur, si ex *c. 10. X. de excess. prael.* res aestimanda est, in cuius extrema parte INNOCENTIVS III pontifex uisitoribus Lombardiae mandauit, ut episcopo cuidam, GRAVIORIS EXCESSVS reo, spontaneam episcopatus depositionem iniungerent, detrectantem autem, et abire nolentem, ab ecclesia amouerent, aliumque in depositi locum curarent eligendum. Extra hanc speciem tamen, eo usque renunciationes LIBERAS esse uoluerunt pontifices, ut ne FACTIS quidem locum fecerint, quorum uinculo quis ad abdicandum teneretur. Ita uero ut statuerent, et alia causa permoti fuerunt, cum, ex communi opinione, tam late patere SIMONIAE crimen existimaretur, ut ne ii tantum in illud incidere crederentur, qui munera et beneficia ecclesiastica illicitis modis AMBIRENT, et dona spiritus sancti uili pretio comparari posse arbitrarentur, sed et hi, qui omnino quicquam, rerum spiritualium, uel adquirendarum, uel in alios transferendarum causa, admitterent, legibus ecclesiasticis interdictum. At hae negant omnino, ESSE IN COMMERCIO uel spiritualia, uel spiritualibus annexa, quorum quidem procuratores, non dominos, esse episcopos et sacerdotes ALEXANDER III. *c. 2. X. de donat.* respondit. Igitur quascunque PACTIONES, de his talibus rebus initas, SIMONICAS dixerunt, licet uel maxime nullum pretium interuenerit; Et, quanquam ipsimet Iuris canonici interpretes agnouerunt, nihil in FACTIS GRATUITIS Simoniaci inesse, si ius diuinum spectetur; inesse tamen, propter prohibitionem ecclesiae, dixerunt: quorum sententiam secutus est SVAREZ a) itemque GONZALEZ TELLEZ ad *c. 8. X. de pact.* Enimvero in hoc ipso capitulo GREGORIUS IX. pontifex PACTIONES, pro spiritualibus obtinendis factas, NULLIVS MOMENTI esse, pronunciauit, addita etiam generali lege, qua, ut in huiusmodi rebus omnis CONVENTIO cesset, definitur. Cum uero PACTIONIBVS etiam GRA-

F

TVI-

a) Suarez de Religione L. IV. de Simon. c. 31.

TVITIS uim omnem et ualorem denegarit pontifex; certe mirum non est, irritos esse omnes contractus, qui de rebus spiritualibus, PRO PECVNIA, aut alio quocunque lucro, tradendis, celebrantur. His enim proprie ac iure quodam conuenit SIMONIAE nomen, quae tunc fere committitur, cum PRO RE SPIRITUALI TEMPORALIS datur. Eamque ob causam pontifex resignationem beneficii cuiusdam, sub conditione soluendarum ab altera parte expensarum factam, aliquando ratam non habuit, in c. 4. *X. de pact.* et transactiones de his rebus factas, dato aliquo uel retento, uel etiam promisso, c. 4. et 7. *X. de transact.* infirmauit. Certe et hac ipsa ratione motus GREGORIUS Pontifex c. 2. C. l. qu. 3. intolerantiam eorum impudentiam proscripsit, qui DEI ecclesias, uel ecclesiastica beneficia, PECVNIAE INTERVENTU, susciperent, siue dando emerint, siue accipiendo uendiderint: in quos et INNOCENTIUS c. 38. *X. de Simon.* statuit, ut ab illa ecclesia, in cuius contumeliam dare pecuniam, uel accipere uoluerunt, excludantur. Ceterum quis dederit, tam parum interest, ut etiam c. 26. *X. de Simon.* ille abire a munere illegitime acquisito cogatur, quo inscio uel agnati, uel amici, aliquid dederunt. Verum enim uero, ut ex sententia ENGELII) in SIMONIAE crimen non incidit, qui aliquid dat, non ut premium rei spiritualis, sed ut incitamentum ad opus bonum; ita certe non improbandum est, uel patroni, uel iudicis ecclesiastici, factum, qui miseratione ductus, sacerdoti ob CRIMEN et SCANDALUM datum renunciaturus, aliquid dedit uel promisit, ut illi tanto facilius abiturum suadeat, qui, etiam nolens, durioribus remediis poterat cogi, ut a sacerdotio decedat. Sane cum ex c. 21. *X. de praebend.* argumentari possimus, permissum esse iudici ecclesiastico, ut aliquid ex beneficio, cui renunciandum est, assignet renuncianti; uitio certe duci nemini uel iudici, uel patrono, uel alii cuicunque poterit, qui de

\*) Engel. Colleg. iur. can. L. V, t. 3. §. 1. n. 8.

de suo liberalis esse cupit, sine spe lucri aut honoris, quod ex beneficio denuo conferendo ad ipsum peruenire possit

## XI

POST LEGITIMAM RENUNCIATIONEM NON FACILE  
DATVR REGRESSVS

SATIS igitur ex his, quae diximus apparet, quanta prudentia usi sint legum ecclesiasticarum conditores, ne quid temere et leuiter fieret in deponendis muneribus ecclesiasticis, neue facile, ex CAVESSA NON SATIS IUSTA, aut omnino INIVSTA, resilirent homines ad mutandum procliuēs. At certe non minus circumspecti fuerunt, ut INCONSTANTIAM CONSILII eorum redarguerent, qui deposito munere MOX POENITENTIA ducuntur, et REDITVM sibi ad beneficium, quod, nemine cogente, deposuerunt, PATERE uolunt. Sane quam benigne cum aegrotantibus agatur clericis, supra indicauimus. Illi uero, qui CONSCIENTIA CRIMINIS cuiusdam, aut scandali dati grauitate, adducti, sacerdotio se abdicant, suam potius, quam aliorum, sententiam sequuntur. In iis solis aliquid COACTIONIS occurrit, qui, GRAVIORIS EXCESSVS rei, ac duriore poena digni, admonentur, ut SPONTE renuncient. Sed id damnum sua culpa sentiunt, et ipsi quoque, delinquendo aduersus leges, in poenam, quam sequi crimen optime norunt, merito incurrunt, aut saltem, dum abdicationem depositioni praeferunt, ex OPTIONE sua omnimodo tenentur. Tanto igitur minus accusandae sunt leges, quibus, renunciatione semel facta, et a superiore admitta, STANDVM ESSE, constitutum est. In causis certe ciuilibus ita obtinere, nouimus, ut non infirmetur negotium, causa semel cognita et approbata, nec disquiratur, uera ne sit an falsa, ne quidem semper minorum contemplatione, quibus tamen propter aetatis imbecillitatem facilius succurri constat. Quis igitur VARIETATEM et INCONSTANTIAM ferat in uiris in dignitate constitutis,

rutis, et praeceptis diuinæ sapientiae imbutis a quibus uel maxime alienum esse creditur, ut quicquam temere agant, aut causas per mendacium confictas deferant ad superiorem. Enim uero a fraude uix abest, qui commentitiis consilii rationibus superiori illuserat, aut ueras et a iudice ecclesiastico probatas in dubium reuocat, eoque titulo ad ecclesiam priorem redire cupit. Eo pertinet, quod INNOCENTIVS III *l. 3. epist. 240.* praecepit: ne liberum sit suae uoluntatis arbitrium, quod in superioris iudicium iam translatus est, qua ratione frequenter nobis illuderetur a subditis, si DEAMBULATORIA esset subiectorum VOLUNTAS, ad examen cognitionis nostrae legitime delata. Eadem mente IVO CARNUTENSIS *Epist. 131.* iustum esse putauit, ut presbyter, qui ecclesiam, quam rexerat, nulla necessitate resignarat, in iudicio, quod de se iudicasset, permaneret. Aegre igitur, et non nisi hac lege, ut nullam episcopalis muneris partem inuito Theodoro successore attingeret, Ephesina Synodus EVSTATHIO, Pamphiliae metropolitano, post renunciationem eius, a suffraganeis probatam, honorem episcopalem et redditus, ad uitam sustentandam necessarios, permisit, ut ex epistola eius Synodi PETRVS de MARCA *de concordia. sacerdot. et imper.* enarrauit. Neque aliud, subsecutis temporibus, placuisse, ex pluribus Pontificum rescriptis probari potest. Illi enim clerico, qui beneficio suo, propter infirmam ualitudinem derelicto, in monasterium abierat, ALEXANDER III, *c. 3. X. de renunciat.* redditum denegauit. Ita certe et CLEMENS III respondit, ac repetenti beneficium exceptionem SPONTANAE ABDICATIONIS obtinere, *c. 5. et 6. X. de renunc.* rescriptis. Colligunt inde interpretes, beneficium *rite abdicatum* post consensum superioris VACARE IPSO IVRE, eamque sententiam etiam auctoritate *c. 2. de renunc. in 6to.* confirmant, licet facultatem poenitendi, ante consensum, a superiore declaratum, per *c. 14. X. h. t.* superesse facile concedant. Quin, et nexum inter sacerdotem et ecclesiam omnino sublatum

tum esse, postquam sacerdotio renunciatum est, ex d. c. 3. concludunt. Negant igitur porro, ea renunciatione probata, beneficium a renunciante CIVILITER possideri, aut fructus, postea exinde perceptos, eius fieri. Breuib. ius omne, quod abdicans olim in beneficio habuit, extinctum esse censent. Quae cum ita sint, nihil obstat, quo minus ille clericus, qui munus depositum et beneficium annexum nullo iure detinet, ad cedendum compellatur, auctoritate magistratus competentis. Ita certe in Concilio LATERANENSI, quod anno 1215. INNOCENTIO III imperante, habitum est, placuit, ex cuius quippe decretis in c. 12. *X. de renunc.* haec uerba "afferuntur: quidam cedendi licentiam cum instantia postulantes, ea obtenta, cedere praetermittunt. Sed cum in postulatione huiusmodi aut ecclesiarum commoda, quibus praesunt, aut salutem uideantur propriam attendisse, quorum neutrum suasionibus aliquorum, quaerentium, quae sua sunt, seu etiam leuitate qualibet, nolumus impediri, eos ad CEDENDUM DECERNIMUS COMPELLENDOS. Neque est, cur aliud in PROTESTANTIVM iudiciis pronuntiandum esse uideatur. Certe PRAESES mihi indicauit, ita censuisse ordinem ICTORUM in hac Academia, cum species quaedam renunciationis, qua ob SCANDALVM Clericus officio se abdicauerat, illi oblata esset. Quae cum huic scriptioni occasionem dederit, diligentius enarranda est. CLERICVS quidam ab honestate et dignitate ordinis eousque defecerat, ut deprauati eius mores nec a coetu, nec a patrono et magistratu ecclesiastico, ferri possent. Exprobrabatur illi sordidum et illiberale opus, quod inspestantibus omnibus fecerat. Obiciebatur infrequentior sacrae coenae usus et ebriositas. Nec ab iniurgitatione potus abstinuerat, cum sacra adeunda essent, quae ipsa subinde tam negligenter procurauerat, ut, quae in templo, nec, citra grauem causam, in priuatorum aedibus, facienda sunt, domi suae obiisset, sordidus et lutulentus limo, quem tractauerat. Praeterea VXORE utebatur, qua cum ipsi pessime conuenie-

bat, nec melius aliis, ut etiam propter uerborum et uerberum conflictum, quem turpiter inierat cum uetulis quibusdam, carceri mancipata esset. Non igitur haec omnia toleranda esse, arbitratu est patronus, iudicis ecclesiastici potestate instructus, et homini, cui toties ad frugem redeundi auctor fuerat, ut REMOTIONEM, quam meruerat, spontanea abdicatione praeuerteret, omnino suasisit, quin et, miseratione ductus, CERTAM SUMMAM PECUNIAE sponte cedenti promisit, quoad uictum quaerendum uteretur, alio uitae genere electo. Annuit igitur reus, et in ipso iudicii loco, praesente iudice ecclesiastico, et factum approbante, RENUNCIAVIT; sed a muliere imperiosa, quam in carcere certiore de re fecerat, correptus, indignissime obfactum, ut ipsa quidem opinabatur, imprudentissimum exceptus, abire a munere iam abdicato noluit, imo uero, iudice in sententia perseverante, ad superiorem prouocauit, cuius nomine Ordo ICorum Vitebergensium pronunciauit:

Daß die eingewandte Appellation in ihren Formalien beständig, und zu gebührender Rechtfertigung anhero erwachsen; der Materialien halber erscheinet aus den Acten und der Partheyen Rechtlichen Einbringen allenthalben so viel, daß in erster Instanz wohl verfahren, derowegen Appellant, der sol. an ihm ergangenen Verordnung zu Folge, die Pfarr-Wohnung binnen 14. Tagen, gegen Empfang derer ihm verwilligten 1100. Thaler, und des versprochenen Attestats, zu räumen schuldig, und wird diese Sache an vorigen Richter billig remittiret, B. R. W.

Ille quidem instabat, NON FUISSE CAUSSAM satis INO-  
NEAM, cur renunciaret. Sed sufficiebat SCANDALVM, VITA  
FLAGITIOSA, DEDECVS VXORIS et familiae, quod Apostolus  
I. Tim. 3. v. 4. in sacerdote non ferendum esse, docet. Ex his  
enim caussis efficaciter renunciari supra 9. fuit comprobatum.  
Neque SIMONIA obici poterat, cum illa liberalitas patroni  
potius



potius laudanda uideretur, neque clericus tam PROPTER FACTVM, quam PROPTER CAUSSAM FACTI, renunciare iussus esset. Neque tandem magni momenti erat, quod renunciatio NON SUPERIORI, sed ipsi PATRONO facta, ipso iure nulla fuisse, uideri poterat, ut supra §. 10. est a nobis comprobatum: Primo enim ipse patronus simul erat IUDEX ECCLESIASTICVS, qui ius consistorii per personas idoneas exercebat; ut dubitari non posset, a SUPERIORE approbatam esse hanc renunciationem; deinde etiam LAICO facta renunciatio illud operatur, ut renuncians beneficio in poenam excludatur: Quod supra ex c. 8. X. de renunciat. a nobis demonstratum est. Denique iam, per prouocationem certe, res ad SUPERIOREM delata erat, qui causam renunciationis idoneam esse, iudicabat. Ideoque illi responsio hae rationes sunt adiectae:

Obwohl eines Theils Appellar, daß diese Sache zu förderst in der ersten Instanz zu erörtern, und daselbst wegen der von Appellanten geschehenen Resignation rechtlich zu verfahren, vorwendet, andern Theils nach denen göttl. und geistl. Rechten, einem Diener göttlichen Wortes, sein Amt, Beruff und Gemeinde, ohne erhebliche Ursache zu verlassen, nicht frey stehet, vielmehr alle weltliche Absichten diesfalls bey Seite zu setzen,

C. 10. §. 7. X. de renunc. Zieglerus de Episc. L. 4.

C. 20. & L. 11. c. 13. §. 1.

und wenn eine geistl. Person, durch zeitlichen Gewinn, Menschen-Furcht, Geld-Versprechungen, oder sonst dazu verleitet worden, nicht aber aus Trieb des Gewissens freywillig ihr Amt aufgegeben, die renunciation, daferne sie auch vermittelst Cydes bekräftiget wäre, vor unkräftig geachtet wird,

c. 5. X. de renunc.

Über:

Überdies auch bey bürgerlichen freyen Handlungen, ein Versprechen, so wegen ausgeübter Gewalt, und daraus entstandener Furcht, oder gefährlicher Überredung geschehen, vor verbindlich nicht zu halten, mithin die von Appellanten wider die Resignation seines Amts gemachten Einwendungen, da demselben nach Arretirung seiner Frauen, und der, dem Anführen nach, daher bey ihm entstandenen Consternation, unterschiedene Vorstellungen geschehen, Er auch noch mehrere beschwehrliche Folgen davon vermuthet, und durch Versprechung jährlicher Alimenter, auch endlich einer Summe Geldes überhaupt, zu der Resignation Anlaß bekommen, jedoch nachhero poenitiret, und bey seinem Amte gelassen zu werden verlanget, nicht unerheblich zu seyn scheinen, ausserdem ein Kirchen-Diener sein Amt allenfalls nicht in die Hände einer weltlichen Person, sondern desjenigen, welchem die geistl. Gerichte zustehen, und in manus Superioris, resigniren muß,

Lancell. Instit. l. 19. §. 11. Ziegl. ad Lancell. ibid. widrigenfalls aber dieselbe keine Wirkung hat, also, daß Appellatens Renunciatio auch dieserhalb ungültig, und, da ihm die versprochene Geld-Post noch nicht ausgezahlt worden, Er diese zu hinterziehen wohl berechtiget, es das Ansehen gewinnen möchte,

D. a d. so viel Appellatens, wegen der ersten Instanz, gemachten Einwurff anlanget, diese Sache bereits vor seinem Consistorio angebracht, und, nachdem Appellant mit seiner Vorstellung eingekommen, die Verurtheilung ergangen, mithin dieser, da er dabey sich zu beruhigen nicht gemeinet, nothwendig an die höhere Instanz sich wenden müssen, überdies Appellatens Hr. Principal mit Appellanten auf gewisse maaße in dieser Sache contrahiret, also

also diese nicht unbillig in einer andern Instanz erörtert wird, ferner die Haupt-Sache betreffend, einem Kirchen-Diener sein geistl. Amt aus triftigen Ursachen aufzugeben, allerdings nachgelassen, und besonders zu Vermeidung unaussbleiblichen Aergernisses, auch seiner eignen Besserung halber, und pœnitentie causa, eine andere Lebens-Art zu erwählen, nicht untersaget wird, mithin Appellant zu angeregter Resignation gunstige Bewegungs-Gründe gefunden, in mehrerer Erwegung derselben bey öffentl. Gottesdienste, und Leichen-Begängnissen, durch seine unlängbare Trunkenheit, welche durch das bengebrachte Attestat nicht abgelehnet wird, auch ungeziemende Aufführung bey Administration der heiligen Sacramente, so wohl unanständigen und verächtlichen Lebens-Wandel, in gleichen durch umfließigen Gebrauch des heiligen Abendmahls, dessen allen er durch die vermittelst Cydes abgehörten Zeugen zur Gnüge überführet, ein grosses Aergerniß, in dessen Aufsehung die Pfarr-Kinder, besagederer in Actis befindlichen memorialien, einen andern Seel-Sorger verlanget, angerichtet, welchem nicht süglich anders, als durch Niederlegung des Amts zu steuern, hiernächst dessen Ehe-Weib, seinem eigenen Geständnisse nach, sein Amt durch ihre unverantwortl. Begünstigungen, auch Beschimpfung und Verachtung ihres Ehe-Manns, so wohl durch Zank und Uneinigkeit mit andern, darüber sie verschiedentlich verklaget, und in Straffe genommen worden, lästern gemacht, und noch mehreres in Zukunft befahren lästet, bey welcher Verwandniß auch die Bosheit und der Unverstand eines andern, hinlängliche Ursache zur Resignation eines geistl. Amts geben kan,

c. 10. §. 5. X. de renunc.

Mithin Appellant damit etwas unzulässiges nicht vorgenom-

G

men,

men, ausserdem die Resignation freywillig und pure geschehen, hingegen durch die Versprechung einer Summe Geldes zu seinem Auskommen, bey so offenbahrem und unerträglichem Aergernisse, auf dessen Abschaffung die geistl. Obrigkeit nothwendig denken müssen, und zu welchem Ende viel härtere Mittel vorgekehret werden können, ihm eine grosse Güte geschehen, die Verbindlichkeit der Renunciation aber hierdurch nicht entkräftet worden, hierüber Appellatens Vorgeben, als ob er aus Bestürzung, wegen der kurz vorher angeordneten Arretirung seiner Frauen, in grosser Ubereilung zu der Resignation sich entschlossen, eines Theils in Betrachtung der Uneinigkeit, in welcher er mit seinem Ehe-Weibe lebet, nicht glaublich, andern Theils dadurch, daß Appellant seine Erklärung nachhero, und nach Verlauff einiger Tage wiederholet, und nur wegen des gegenseitigen Versprechens Sicherheit verlangt, ingleichen seiner Ehe-Frauen diese resolution im Gefängniß mit vieler Freude hinterbracht, sattsam wiederleget wird, endlich die renunciation in die Hände Appellatens Hr. Principals, welcher selbst in seinem Consistorio præsidiert, und von welchem er die Confirmation zu seinem geistl. Amte, allem Ansehen nach, erhalten, welchen er also vor seinem Superiorem zu erkennen hat, auf behörige Weise geschehen, und von demselben acceptirt worden, immassen auch nunmehr die Ursache derselben in der höhern Instanz vor erheblich und zureichend befunden worden, also diese vor beständig zu achten, gleichwohl daß von Appellatens Hn. Principal dargegen geschehene Versprechen zu erfüllen,

Ziegl. ad Lanc. L. I. 20. §. II. num. 281.

So ist, gesprochenener massen, von uns billig erkannt worden.